

Schwoweschicksol!

Vor 200 Jahr hat mer Se in`s Banot gebrung;
Als Schutz geger des "Türketum".
De Sumpf wor naß, die Luft wor verdorb;
Die meeschte vun dene Schwoweleit sin g`storb.
Doch mer hat`s noch mol un noch mol prowiert;
Zum Schluß wore doch genuch iwrich geblieb.
Sie han georweit Toch un Nacht;
Aus dem Sumpf e schenes un reiches Banot gemacht.
Wie de Kriech kumm is hat mer Se ingezoh;
Zu de deitschi Armee, ganz einfach so.
Dernoh hat mer Se enteignet, uf Russland gebrung;
Villi sin vun dort nimmi hem kumm.
Es Elend wor groß, un groß wor die Not;
Die Leit hode oft nimmol`s Wasser un`s Brot.
Awer de Schwob hat nor vorzus g`schaut;
Un e neies, noch schen`res Banot ufgebaut.
Doch dann hann die Kommuniste`s kenne so hin krien;
Das die Schwowe wieder z`ruck gehn vun wu se her kumm sin.
"Kontraktiere" hann se misse es Obst, es Gemiese un`s Viech;
"Umesunscht" Parzell hacke in de Kolletiev.
In der Stadt in de Rei stehn Stunne lang;
Wann Se Brot, Fleisch oder "Irgendwas" han wille hann.
Wer fort hat wille hat viel misse schmiere;
Oder an de Grenz sei Glick prowiere.
Irgendwie sin jetz fast Alli fort;
Un menne "do" is ihre richtiche Heimatort.
Doch do werre Se jetz oft die "Rumänre" genennt;
Well mer Ihre "Geschichte" so gut wie net kennt.
Un das`Ne jetz de Reichtum net in de Kopp steie soll;
Hat mer`Ne e "poor" Prozent vun de Rente weckkoll.
Doch wenichschtens sin Se frei un wann`s nimmi gehn sellt;
Kenne Se ziehe in die weiti, weiti Welt!

Helmuth Ganzer